



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ
formulæ, tum Citationum, ac Monitionum pro validitate processuum
requisitarum, tum Decretorum, aliorumve actuum ad opportunitatem, &
ornatum materiæ incidentium; acceditque in calce Appendix miscellanea,
plura, ad Gubernium ...

Monacellus, Franciscus

Venetiis, 1709

Instructio VIII. Sivè monita ad Episcopos Collatores Ordinum.

[urn:nbn:de:hbz:466:1-62433](https://nbn-resolving.org/urn:nbn:de:hbz:466:1-62433)

trasmettono à tutti i Patriarchi, Arcivescovi, Vescovi, & altri Pastori d'Anime, accioche si publichino à i Popoli delle loro Diocesi, per esser onninamente eseguite. Il primo Dicembre 1698.

Girolamo Card. Cassanate.

Loco ✠ del Sigillo.

Giuseppe Domenico de Totis Seg.

INSTRUCTIO VIII.

Sivè monita ad Episcopos Collatores Ordinum.

Quamquam monita ad Episcopos in conferendis ordinibus, in prima, & secunda hujus Operis parte data fuerint: nihilominus hic in Epilogo illa repetere, & sub eorundem oculis iterum subjicere neque injucundum, neque inutile erit. Sequentia igitur hac in re advertenda, & observanda sunt.

Examen ordinandorum, non committatur, sed fiat semper coram, & præsente Episcopo.

Antè ordinationem promulgetur Editum immediatè, juxtà formam à me traditam par. 2. pag. 70.

Excludantur à Clericatu hi, quorum spes non effulget, posse, aut debere ascendere ad Superiores ordines.

Non admittantur ad Exorcistatus, & Acolytatus minores ordines, qui in ostiariatu, & Lectoratu, Ecclesiæ, saltem diebus festis non inservierunt, nisi fuerint absentes studii, vel alia legitima causa.

Qui Scholam, Doctrinam Christianam, & Sacramenta non frequentant.

Qui non incesserunt assiduè in habitu, & tonsura Clericali.

Omnes minores ordines, uni una die non conferantur, sed per temporum interstitia, nisi aliqua rationabilis, & justa causa intercedat.

In collatione minorum Ordinum, non exigantur, neque recipiantur promissiones ordinandorum ascendendi ad ordines Sacros.

Excludantur à Sacris Ordinibus hi Clerici.

Qui munia Clericorum minorum Ordinum, vel nunquam, vel rarò exercuerunt, & Ecclesiæ non inservierunt, dummodò, ut supra, absentes non fuerint.

Qui non fuerunt soliti habitum Clericalem, & decentem tonsuram, & coronam deferre assiduè. Vult enim D. Gregor. in Synodo relata post lib. 12. Epistol. indict. 7. can. 16. quod si quis ex Clericis laxaverint Coronam anathema sit.

Qui sine necessitate fuerunt soliti, calamistrati, & cum coma fictitia incidere.

Qui nesciunt probè ordinare, & recitare Divinum officium.

Qui non habent Breviarium bene compactum, superpelliceum, & Biretum Presbyterale proprium.

Qui nullum librum habent, quo possint edoceri de obligationibus proprii status, de administratione, & receptione Sacramentorum, & ritibus Ecclesiasticis.

Qui vexationibus, ludis, & commestationibus sunt dediti, & inclinati.

Qui Negociis, & Officiis Sæcularibus illicitis, se immiscerunt.

Qui solent deferre arma, & spectacula, aut Tabernas frequentare.

Qui per malum habitum verba obscæna, vel nomen Dei, aut Sanctorum irreverenter pronunciant, & impudenter.

Qui habitant cum Mulieribus præsertim juvenibus non consanguineis, vel cum aliis suspectis conversantur.

Etenim qui Ecclesiæ inservire, habitum, & tonsuram Clericalem deferre erubescit: qui erudiri negligit in rebus ad suum officium, & statum spectantibus, & illicita Clericis evitare non curat, imò illis inordinatè delectatur, dispositionem ad ordines sacros suscipiendos non habere convincitur, nec vocat'onem: qui enim

Spi-

Spiritum Christi non habet, hic non est ejus.

4 Ubi adest penuria Presbyterorum, non est subtiliter inquirenda Doctrina, & sufficientia promovendorum, nisi ad curam Animarum essent deputandi.

5 Qui habet Beneficium, vel Pensionem sufficientem, non debet ordinari ad titulum Patrimonii.

6 Qui ordinantur ad titulum Beneficii residentialis non possunt illud relinquere inconsulto Episcopo, sed coguntur inviti illi deservire, c. admonet, ibique DD. de venunc.

7 Providendum, nè in assignatione tituli Beneficii, Pensionis, sive Patrimonii, intercedant collusiones, deceptiones, & fraudes.

8 Clerici alieni Domicilii, Originis, & familiares, non admittantur ad Ordines, nisi servata forma Bullæ Innocentii XII. Speculatores.

9 Non admittantur ad Ordines, qui fuerunt damnati ad Triremes, qui si non remigassent, licet possint ab Episcopo habilitari, non debent tamen promoveri, nisi aliqua urgens causa contrarium suadeat, quia remanent vestigia infamiæ facti: si autem essent jam promoti in facris, & pariter non remigassent, poterit Episcopus illos rehabilitare ad exercitium ordinum, si post lapsum notabilem temporis, vitam laudabilem duxerint.

10 Ordinati in Sacris, qui matrimonium cum unica, & Virgine contraxerunt, & consumarunt, & sic Bigami bigamia si-

multudinaria, effecti fuerunt, quamquam ab Episcopo dispensari possint (postquam poenam, quam Tribunal S. Officii imposuit, persolverint) ut ad Presbyteratum valeant ascendere; tamen hæc dispensatio concedi non debet, nisi cum maxima cautela, & extra locum contracti matrimonii, ad vitandum scandalum, & nisi hoc contigisset in aliqua magna Civitate: in qua ratio scandali cessaret.

Regulares non admittantur nisi exhibent litteras Dimissorias eorum Superiorum cum requisitis contentis in Decreto Clementis VIII. juxta per me notat *tomo 2. formidar. tit. 13. form. 4. per tot.*

Siquis ex Clericis minorum ordinum vellet spontè renunciare Clericatu, & privilegiis ejus, posset hoc facere, dummodò renunciatio ab Episcopo esset acceptata, & admissa, ut pluries Sacræ Congregationes Episcoporum, & Regularium, ac Immunitatis Ecclesiasticæ responderunt, quarum declarationes referunt Nicol. *lucubr. can. lib. 5. tit. 39. de sent. excomm. num. 108. limit. 12. Pignatell. consult. 69. n. 11. tom. 2.*

Imò, quod hujusmodi renunciationes spontè factas, debeat Episcopus acceptare, ad hoc ut Clerici renunciantes, admittantur ad officia publica laicorum rescriptis *Sac. Congreg. Immunit. in Tudortina 15. Junii 1658. lib. Decr. Rocci pag. 92. & in Balneoregien. 30. Januarii 1703. lib. 3. Decr. Vallem. par. 471.* Formula autem renunciationis, & acceptationis respectivè, poterit esse sequens.

F O R M U L A

Renunciationis Clericatus,

Die mensis anni

Comparuit personaliter in Curia Episcopali N. Clericus N. & dixit, ac declaravit, se non habere animum, neque intentionem, ascendere ad Superiores Sacros Ordines, neque in statu Clericorum permanere: sed ut possit munia, & officia publica, ad quæ, tam ex dispositione juris communis, quàm municipalis, laici Cives vocantur, acciperè, & liberè exercere: habitum Clericalem deponere, & dimittere statuit, ac deliberavit: ideoque spontè,